

quido Virgilii esse minime dubitandum, praesertim cum ipse poeta tamquam hoc metuens principium huius operis et in 110 alio carmine suum esse testatus sit dicendo:

'carmina qui lusi pastorum audaxque iuventa,
Tityre, te patulae cecini sub tegmine fagi'

bucolica autem et dici et recte dici vel hoc indicio probari sufficerat, quod eodem nomine apud Theocritum censeantur. 115 verum ratio quoque monstranda est.

tria genera pastorum sunt, qui dignitatem in bucolicis habent, quorum minimi caprarii, paulo honoratores opiliones, honoratissimi bucolici. unde igitur magis decuit pastorali carmini nomen inponi, nisi ab eo gradu, qui fere apud pa- 120 stores excellentissimus est inventus?

quaeri solet, unde originem dicit bucolicum carmen. non nulli a Lacedaemoniis originem sumpsisse opinantur. namque transgresso Xerxe in Graeciam [rege Persarum], cum Spartanae virgines sub hostili metu neque egredi urbem 125 neque pompam chorumque colere potuerunt aramque Diana de more exerceret urbe pastorum, ne sine religione prae- terirent, eundem usum inconditis cantibus celebraverunt appellaveruntque bucolicum a bubus. alii ab Oreste circa Si-